



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE TIHEMA 5, 1907.

Whakatu i tetahi Mema hei whakakapi i tetahi nohoanga kua watea i roto i te Kaunihera o te Taone Maori o Taumarunui.

PLUNKET, Kawana.

NOTEMEA ko te Taone Maori o Taumarunui he Taone Maori i whakakapōreihanatia i raro i "Te Ture Kawanatanga mo nga Takiwa Taone Maori, 1905":

A notemea kua watea tetahi o nga nohoanga i roto i te Kaunihera o taua taone, a e tika ana kia whakakapia taua nohoanga:

Na reira, ko au, ko William Lee, Baron Plunket, te Kawana o te Tominiōna o Niu Tirenī, i runga i te whakahaerenga me te whakatutukitanga i nga kaha me nga mana kua whakawhiwhia nei ki au e tekiona iwa o "Te Ture Kawanatanga mo nga Takiwa Taone Maori, 1905," tenei ka whakatu i a CHARLES HENRY STEADMAN, Esquire, o Taumarunui, hei mema mo te Kaunihera o te Taone Maori o Taumarunui, hei riiwhi mo James Carrington, Esquire, kua whakamutu nei i a ia.

Ina hoki te ringa o His Excellency te Kawana, i tuhia i tenei te toru o nga ra o Tihema, kotahi mano e iwa rau ma whitu.

J. CARROLL,
Minita mo te Taha Maori.

Wewete Here e arai ana i te Tuku o tetahi Whenua Maori.

PLUNKET, Kawana.

NOTEMEA kua tukua mai he tono ki te Kawana e te tangata nona te whenua e mau nei te whakaaturanga i roto i te Kupu Apiti ki tenei, e inoi ana kia wetekia te here e arai ana i te tuku o taua whenua e mau nei i roto i tiwhikete taitara Whakawhiti Whenua (Pukapuka 84, wharangi 189), i tuhia i te rua-tekau-ma-tahi o nga ra o Oketopa, kotahi mano e waru rau e iwa-tekau-ma-ono: A notemea kua ata uiuia te tikanga o taua mea e te Kooti Whenua Maori, a kua puta te kupu a taua Kooti whakaatu mai he mea pai kia wetekia taua here:

Na reira, tenel te Kawana o te Tominiōna o Niu Tirenī, i runga i te whakahaerenga me te whakatutukitanga i nga mana kua whakawhiwhia nei ki a ia e te rima-tekau-ma-rua o nga tekiona o "Te Ture Kooti Whenua Maori, 1894," i runga hoki i te kupu whakaae a taua Kooti, tenei ka ota ka ki kua whakakorea nga here katoa e mau nei i roto i te tiwhikete taitara Whakawhiti Whenua e arai nei i te tuku o te whenua e ata whakaaturia nei i roto i te Kupu Apiti kua tuhia ki raro nei, he mea kia taea ai taua whenua te hoko i runga i te makete e tuwhera ana ki te katoa, engari ko te moni e whakaaria ana me rite ki te wariu a te Kawanatanga mo taua whenua i naianei.

KUPU APITI.

KATO: tera piihi tera wahi whenua ranei kei roto i te Takiwa Ruri o Belmont, kei roto i te Takiwa Whenua o Werengitana, tona nui e toru ruuri, nui ake iti iho ranei, ara ko tetahi wahi o te whenua e mohiotia ana ko Wiremutaone A, ara ko Wahanga 19 o Tekiona 7 o Poraka XI o taua Takiwa Ruri o Belmont. Koia tenei ona rohe: Ki te tuaraki ko Wahanga 19B, e 601-27 riniki; ki te rato-ma-tonga me te rawhiti-ma-tonga ko tetahi wahi o taua poraka, 128-34 riniki e 559-43 riniki; a ki te rawhiti-ma-raki he rori, e 91-06 riniki e 44-33 riniki: nui ake iti iho ranei—ara ko tetahi wahi o te whenua kua uru ki roto ki te tiwhikete taitara, Pukapuka 84, wharangi 189, o te Pukapuka Rehita o te Takiwa o Werengitana, me te mau i roto i taua tiwhikete te here ko taua whenua "kaore e taea te tuku."

Ina hoki te ringa o His Excellency te Kawana, i tuhia i tenei te toru o nga ra o Tihema, kotahi mano e iwa rau ma whitu.

J. CARROLL,
Minita mo te Taha Maori.